

UVODNA RIJEČ

EDITORIAL

Dragi čitatelji Geodetskog glasnika,

Ciljevi Saveza udruženja građana geodetske struke Bosne i Hercegovine su, između ostalog, unaprjeđenje i razvoj geodetske djelatnosti u Bosni i Hercegovini. Nivo razvijenosti geodetske djelatnosti je rezultat rada i zalaganja geodeta u svim oblastima naše profesije. Izdavanje ovog 43-ćeg broja Geodetskog glasnika je doprinos Udruženja spomenutim ciljevima.

Uređivački odbor i saradnici su radosni što možete i u ovom broju Geodetskog glasnika pronaći relevantne informacije iz geodetske struke u Bosni i Hercegovini: od preglednih i stručnih članaka do pregleda diplomiranja na Odsjeku za geodeziju Građevinskog fakulteta Univerziteta u Sarajevu, pregleda sadržine geodetskih glasila koji se publiciraju u nekim evropskim zemljama, najave važnih međunarodnih događaja u našoj struci, vijesti, itd.

Ovo je drugi broj Geodetskog glasnika koji izlazi u toku tekuće kalendarske 2012. godine. Naglašavamo činjenicu da je ovo druga godina u kojoj smo objavili po dva broja našeg glasila, što smatramo svojevrsnim uspjehom, kako redakcijskog odbora, tako i autora priloga. S radošću ističemo da je Nacionalna i univerzitetska biblioteka Bosne i Hercegovine dodijelila Geodetskom glasniku elektronski ISSN broj.

Ovaj broj je štampan uz finansijsku pomoć Federalnog ministarstva obrazovanja i nauke FBiH, na čelu sa ministrom Damirom Mašićem. Radujemo se da je ministarstvo prepoznalo potrebu afirmacije glasila geodetske struke, koje ima cilj unaprjeđenje cjelokupnog bosanskohercegovačkog društva, kroz podizanje kvaliteta geoprostornih podataka, ključno važnih za svako civilno društvo.

Izražavamo zahvalnost geodetskim firmama, koje su pomogle izlaženje 43. broja Geodetskog glasnika: GeoWild d.o.o. Sarajevo, Geodet d.o.o. Sarajevo i Geodis – BH d.o.o. Sarajevo.

Uz najavu sljedećeg broja Geodetskog glasnika u prvoj polovini 2013. godine, pozivamo vas da nam šaljete svoje priloge. Zahvaljujemo još jednom svim autorima i recenzentima na njihovom doprinosu, a posebnu zahvalnost dugujemo tehničkim urednicima lista, čiji veliki trud ste sigurno svi prepoznali.

Glavna i odgovorna urednica

Doc.dr.sc. Medžida Mulić, dipl.inž.geod.